



UPA 2024/109

30. April 2024

Siverth K. Heilmann

Atassut

Nunatsinni innuttaasut Danmarkimut nuuttarnerat sunik patsiseqarneraq misissorlugu Naalakkersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut. Nalunaarusiaq UPA25 nallertinnagu Inatsisartunut agguanneqassaaq.

(Inatsisartunut ilaasortaq Aqqalu C. Jerimiassen, Atassut)

Siullermik siunnersuuteqartumut qujanarujussuaq, imatullu naatsumik Atassummiit oqaaseqarfigissavarput.

Maaniuna Inatsisartutut susugut? Siunnersuutiginiakkat tamakkerlugit Naalakkersuisuniit itigartinniarneqartarpata. Innuttaasut tatigaluta qinerpaatigut, neriorsuutigullu oqariartuutigut suliarissagatsigit.

Naalakkersuisut taamak pissaaneqartigisussaanelrutik nunami demokratiskiusumi? Kiisa misiginarsivoq asuli Inatsisartuni sulisugut. Inuillu paaserusuttarpat sooq angusaqavissorsinnaaneq ajornersugut, tassa aajunarpiaq akissut. Malugisiuk.

Taamaattorli siunnersuuteqartup siunnerfia ersarippoq, assorsuarlu tapersernarluni. Taamaammaallu tamakkiisumik Atassummiit ilalerlugu kissaatigaarput minnerpaamilluunniit ataatsimiititaliami eqqartorneqaqqaarsinnaagaluartoq.

Qujanaq.